

PSB - Bahagian Arkib

From: UUM CORPORATE COMM.
Sent: Thursday, 19 December, 2019 12:47 PM
To: UUM - All Staff; UUM - All Students
Subject: Wacana Keselamatan Nasional Imbas Kisah EX-RAMPASAN LIA 2019



UUM Corporate Comm.
Universiti Utara Malaysia

19 DISEMBER 2019 / 22 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Ummu Aiman Azmi
Gambar oleh: SOIS

WACANA KESELAMATAN NASIONAL IMBAS KISAH EX-RAMPASAN LIA 2019



UUM ONLINE: Pusat Pengajian Antarabangsa (SOIS) telah menganjurkan Wacana Keselamatan Nasional: Imbasan Pengkisahan EX-RAMPAS LIA 2019 di EDC Hotels & Resorts, baru-baru ini.

Dekan SOIS, Prof. Madya Dr. Muhammad Fuad Othman berkata, UUM telah menghantar pelajar dari SOIS bagi mengikuti eksesais tersebut yang bertujuan menguji pengurusan dan pengendalian krisis keganasan terutamanya dari segi penyelarasan peranan dan tugas jabatan serta agensi yang terlibat.

Menurutnya, latihan amal ini memberi peluang kepada jabatan dan agensi bagi menguji dan menilai keberkesanan prosedur operasi standard (SOP) masing-masing dan membuka ruang penambahbaikan kepada sebarang kekurangan di dalam SOP jabatan dan agensi.

“Saya bangga dengan pelajar SoIS kerana telah menyertai eksesais EX-RAMPAS yang telah membuka mata dan minda mereka tentang operasi dijalankan, selain mendapatkan pendedahan tentang pelbagai informasi operasi keselamatan nasional terutamanya di lapangan terbang,” katanya.

Sementara itu, Pengarah Majlis Keselamatan Negara (MKN) Negeri Kedah, Mohd Razin Mahmood merakamkan ucapan terima kasih dan tahniah kepada pelajar terlibat kerana telah membantu dalam EX-RAMPAS LIA 2019.

Katanya, persembahan pelajar UUM sangat menakjubkan, sekali gus meletakkan ‘benchmark’ yang tinggi untuk eksesais EX-RAMPAS akan datang.

Pada majlis itu turut diadakan tayangan montaj EX-RAMPAS LIA 2019, diikuti dua sesi kuiz Kahoot! Keselamatan dan persembahan pelajar.

EX-RAMPAS LIA 2019 merupakan anjuran MKN Negeri Kedah dengan kerjasama Malaysia Airports dan Polis DiRaja Malaysia (PDRM) yang diadakan di Lapangan Terbang Antarabangsa Langkawi mulai 25 hingga 29 November lalu.

EX-RAMPAS LIA 2019 diadakan bertujuan untuk menguji keberkesanan Emergency Response Plan (ERP) Malaysia Airports selaku pengendali dan peneraju keselamatan Lapangan Terbang Antarabangsa Langkawi.

Program ini juga merupakan platform untuk menilai tahap kesiapsiagaan dan keupayaan 32 jabatan atau agensi kerajaan dan swasta yang terlibat dan sejauhmana keberkesanan jabatan atau agensi berkomunikasi antara satu sama lain dalam melaksanakan SOP masing-masing semasa mengendalikan krisis.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.